



Lapsen kieli suunile 6 kuun iästä lähtien

Vähän sinun lapsen kielestä 6 kuun iästä lähtien

- Sinun lapsela oon paljon havattemista mailmasa! Katto mitä lapsi vahtaa ja nimitä net. Havatte kaikkia jännää, pientä ja isoa, yhdessä!
- Jo nyt sinun lapsi praatii sinun kansa käyttämällä miiniä, ääniä ja liikkumisia. Hetin lapsi tullee kansa jolisheen äänilä jokka muistuttavat sanoja niinku da-da ja ta-ta.
- Sinun lapsi alkaa pikkuhiljaa ymmärtämhään sanontia niinku katto ja sanoja niinku mamma ja pappa.
- Sinun lapsi rakastaa praatia sinun kansa, leikitellä piilosillens ja seurata matkassa helppoissa liikkumisleikissä niinku Hämä hämä häkki ja Leivo leivo pikku kakko.

Keskustele kaikista

Praati sinun lapsen kansa kaikista mitä tapahtuu ja mikä herättää sinun lapsen intoa. Praati ruasta, vaattheista, mitä tet näettä ja mitä lapsi tekkee. Kuuntele aktiivisti lasta, niin ette lapsi halvaa jatkaa keskustelua. Anna kylliksi aikaa!

Vaihtelee ja sano uuesti

Sano lapsen ääni uuesti, arvaa mitä se tarkoittaa ja nimitä se. Oota ette lapsi vastaa äänellä elikkä liikkumisella ennen ko sie jatkat. Lapsi oppii jo nyt praatimhaan vuorottellen ja ymmärtämhään sanan ja esihneen yhtheyen.

Leikittelee kielen kansa

Laula lauluja, rimmaa ja loruttelee ja leikittelee laululeikkiä. Käytä sormia ja varphaita, piippaa ja murise ja höpöttele! Sinun kirjastossa oon kirjoja, lauluja ja musikkia ette lainata kotia.

Praati-lukekaa yhdessä

Ko lapsi saattaa seurata sinun silmäystä ja viittaussuuntaa niin viittauskirjasta tullee jännä tuttavuus. Viito ja selitä kuvista. Ole huomaavainen mikä sinun lasta innostuttaa. Alussa innostus oon lyhy-aikhaista mutta pikkuhiljaa lapsen kyky ette fukyseerata kasua.

Praati sinun äitinkieltä


Praati, laula ja lue sinun äitinkieltä. Usseimat lapset mailmassa elävät monikielisissä ympäristöissä ja niitä oon vain etuja ette kasuta ylös useamalla kielellä ko yhdellä.

Ota tiethoon lissää

- Lue lissää Kirjastaartista täältä: www.bokstart.se
- Jos sie olet huoleessa sinun lapsen kielikehityksestä, käänny lapsihoitokeskusthaan. Sie saatat kansa keskustella sinun lapsen kielikehityksestä esikoulun henkilökunnan kansa.

Kulttuurineuvostolla oon hallituksen tehtävä ette etistää lukemista ja stimuleerata pikkulapsitten kielikehitystä. Kirjastaartti oon kansallinen satsaus jokka kääntyy vanheemille ja täysile lapsen likisyessä.

KULTURRÅDET



Lapsen kieli suunile 1 vuen iästä lähtien

Vähän sinun lapsen kielestä 1 vuen iästä lähtien

- Lapsi käyttää käsiliikkeitä ja ääniä ette selittää sulle jotaki.
- Ensimmäiset sanat oon täältä ja nyt, niinku pallo, nalle ja katto.
- Sinun lapsi ymmärtää useaman sanan ko mitä se saattaa sanoa mutta tarttee sinun avun ette tulkata ja komenteerata.

Seuraa lapsen innostusta

Sie saatat käyttää kaikkia mitä tet näettä ja tehettä arkipäivässä ette kehittää lapsen kieltä. Nimitä net mitä lapsi huomioittee justhiins nyt. Ko lapsi sanoo tu, ja viittoo kissaa sie saatat vastata: Joo, se oon kissa. Tykkääks kissasta? Muista oottaa lapsen vastausta.

Huomioitte ja kuuntele

Ko sie annat lapsele koko huomion ja kuuntelet tarkoin niin lapsi tulee tuntheen ette sie tykkäät ette sen mitä lapsi sanoo oon tärkeätä, joko lapsi sanoo sanan, viittoo elikkä muula laila näyttää jotaki sulle. Sinun vastauksista lapsi oppii ette sitä praatithaan vuorottellen ko keskustelthaan.

Leikittele kielen kansa

Laula lauluja, rimmaa ja loruttele ja leikittele laululeikkiä. Käytä sormia ja varphaita, piippaa ja murise ja höpöttele!

Keksi ja selitä

Selitä mitä lapsen nalle tekkee elikkä mihinkä pyssi ulkopuolela oon menossa. Praati kuvista jotka oon sukulaisista ja kaverista. Lapsi tarttee kuula uusia sanoja monta kertaa, eri yhtheyksissä.

Lue helppoja kuvakirjoja

Nyt tet saatatta alkaa käyttämhään kuvakirjoja. Alussa tet kattotta kuvia ja viitotta yhdessä. Ensinä se oon helpompi ko sie selität itte, mutta pikkuhiljaa lapsi saattaa kuunella tekstiä kirjassa. Sinun kirjastossa oon tipsiä kirjoista ette lainata kotia.

Praati sinun äitinkieltä


Praati, laula ja lue sinun äitinkielelä. Usseimat lapset mailmassa elävät monikielissä ympäristöissä, ja niitä oon vain etuja ette kasuta ylös useamalla kielelä ko yhelä.

Ota tiethoon lissää

- Lue lissää Kirjastaartista täältä: www.bokstart.se
- Jos sie olet huoleessa sinun lapsen kielikehityksestä, käänny lapsihoitokeskusthaan. Sie saatat kansa keskustella sinun lapsen kielikehityksestä esikoulun henkilökunnan kansa.

Kulttuurineuvostolla oon hallituksen tehtävä ette etistää lukemista ja stimyleerata pikkulapsitten kielikehitystä. Kirjastaartti oon kansallinen satsaus joka kääntyy vanheemille ja täysile lapsen likisyessä.

KULTURRÅDET



Lapsen kielestä suunile 18 kuun iästä lähtien

Vähän sinun lapsen kielestä 18 kuun iästä lähtien

- Monet lapset tässä iässä ymmärtävät suunile 200 arkipäiväsanaa.
- Lapsi käyttää itte joitaki sanoja, mutta sanat saattavat merkitä eriä eri taphauksissa.
- Jokku lapset alkavat panheen kokhoon sanoja, esimerkiksi mamma piili elikkä vuvve tuola.

Praatika paljon toisitten kansa

Praatika mitä tet tehettä eri tilantheissa. Selitä lapsele mitä tapahtuu ja nimitä mitä tet tehettä. Kuuntele tarkoin mitä lapsi tykkää ja hunteeraa. Anna sinun lapsele hyvin aikaa.

Toista ja kehitä mitä lapsi sannoo

Ko sie käytät lapsen omia sanoja ja liissäät uusia, sie autat lasta kehittämhään hänen kieltä. Jos lapsi sannoo ”namnam” sie saatat sanoa: Joo, se oon ruoka ja nyt met alama syöhmään. Ette sinun lapsi sannoo kitta sen siihaan ko kissa ei ole harvinhaista tässä iässä. Älä korjaa lapsen sanomista ko käytä itte sanna kissa niin lapsi kuulee kunka se pittää olla.

Liitä lapsen omhaan mailhmaan

Se oon helpompi oppia uusia asioita jos sie liität johonki mihinkä lapsi jo tuntee. Jos tet näettä kuvan housuista, niin sie saatat viittoaa

lapsen omhiin housuun ja sanoa: Sulla oon kansa housut, justhiins niinku lapsela kirjassa.

Praati-lukekaa yhdessä

Lapsela oon nyt iloa monesta eri kirjasta josta-ko tet saatatta praatia yhdessä. Kysy aukenhaisia kysymyksiä mitä kirjoissa tapahtuu ja liitä lapsen kokemukshiin: Mitäs sie uskot...? Muistaks...?

Praati sinun äitinkieltä


Praati, laula ja lue sinun äitinkielelä. Usseimat lapset mailmassa elävät monikielisissä ympäristöissä, ja niitä oon vain etuja ette kasuta ylös useamalla kielelä ko yhdellä.

Ota tietthoon lissää

- Lue lissää Kirjastaartista täältä: www.bokstart.se
- Jos sie olet huoleessa sinun lapsen kielikehityksestä, kääny lapsihoitokeskusthaan. Sie saatat kansa keskustella sinun lapsen kielikehityksestä esikoulun henkilökunnan kansa.

Kulttuurineuvostolla oon hallituksen tehtävä ette etistää lukemista ja stimyleerata pikkulapsitten kielikehitystä. Kirjastaartti oon kansallinen satsaus joka käänny vanheemille ja täysile lapsen likisyssä.

KULTURRÅDET



Lapsen kieli suunile 3 vuen iästä lähtien

Vähän sinun lapsen kielestä 3 vuen iästä lähtien

- Monet lapset ymmärtävät nyt monta sattaa sanna. Net panevat kokhoon sanoja lausheishiin ja alkavat pithään lyhempiä keskusteluja.
- Lapsi kyssyy vaikka kunka paljon ja alkaa käsittämhään kunka sanoja käytethään ja ette niitten kansa mennee leikitellä.
- Sinun lapsi alkaa selittelheen semmosesta mitä se oon kokenu ja tykkää kuunella ko sie selität.

Havattekaa puustavit ja sanat

Esikouluiässä monet lapset oon utelihaat puustavista ja sanoista. Lue ja viito kylttiä ja pakkauksia ko sinun lapsi näyttää intoa. Havattekaa kansa yhdessä merkkiä ja sympoolia ympäryställä ja pratikaa niitten merkityksistä.

Selvitä uuet sanat

Käytä mielelhääns uusia sanoja semmoselle mitä tapahtuu ja mitä tet näettä arkipäivässä. Selvitä sanat mitä lapsi ei ymmärä: meri oon yhen sorttinen järvi, mutta paljon suurempi. Elikkä: ko met menemä rannale, niin met uima meressä.

Keskustelkaa

Praatika siitä mitä oon tapahtunnu päivän aikana. Seuraa ylös semmosta mitä sie olet kuulu elikkä nähny ette lapsi oon tehny esikoulussa ja taho lapsi selittämhään lissää. Usseimat kolmivuotihaat ei sano kaikkia sanoja niinku met täyet. Ko sie kuulet sanan

joka kuuluttaa erilaiselta sie saatat sanoa sen oikeala laila niin lapsi tulee pikkuhiljaa sanhoon oikein.

Lukekaa yhdessä

Ota tavaksi ette lukea vähän aikaa joka päivä. Monela lapsela oon favuriittikirja jonka net halvaavat ette sie luet uuesti ja uuesti. Kuvakirjat saattavat nyt sisältää vähän enämpi hankalia kertomuksia mutta vieläki se oon praati-lukeminen joka jäljaa.

Taho matkhaan keskustelhuun mitä kirjassa tapahtuu ja yllytä lasta kysyhmään sillä aikaa. Ko lapsi kyssyy, asetu, kuuntele ja hunteerakkaa yhdessä.

Muista ette leikki oon lapsen malli ette oppia. Niin leikitelkää, lukekaa, laulakaa ja selittäkää yhdessä. Rimmit, lorut ja laulut ilahtuttavat vieläki. Ette lukea kirjoja oon paras konsti ette oppia uusia sanoja!

Praati sinun äitinkieltä

Praati, laula ja lue sinun äitinkielelä. Usseimat lapset mailmassa elävät monikielisissä ympäristöissä, ja niitä oon vain etuja ette kasuta ylös useamalla kielelä ko yhelä.

Ota tiethoon lissää

- Lue lissää Kirjastaartista täältä: www.bokstart.se
- Jos sie olet huolessa sinun lapsen kielikehityksestä, kääny lapsihoitokeskusthaan. Sie saatat kansa keskustella sinun lapsen kielikehityksestä esikoulun henkilökunnan kansa.

Kulttuurineuvostolla oon hallituksen tehtävä ette etistää lukemista ja stimyleerata pikkulapsitten kielikehitystä. Kirjastaartti oon kansallinen satsaus joka kääntyy vanheemille ja täysile lapsen ikisyessä.

KULTURRÅDET